



შპს საზოგადოებრივი კოლეჯი
ფანასკერტელი

კატალოგი



ქ. თბილისი, ზაზიაშვილის ქ. N1



568 40 20 20 / 599 14 36 72



ქ. თელავი, ლესელიძის ქ. N1




593 16 16 35



fanaskerteli@gmail.com



<https://fanaskerteli.edu.ge/>



2023 წელი

მისია

დავბლით გამოწვევები განვითარების გზაზე და გავიმყაროთ წამყვანი პოზიცია, როგორც მდგრადმა, ინოვაციურმა და განვითარებადმა მრავალპროფილურმა საგანმანათლებლო დაწესებულებამ. ასევე, უზრუნველყოთ კონკურენტუნარიანი და კვალიფიციური კადრის მომზადება შრომის ბაზრის მოთხოვნების უზრუნველსაყოფად, ქალაქ თბილისსა და კახეთის რეგიონში. ჩვენ, როგორც ტრადიციული დაწესებულება, ვზრუნავთ განათლების მიღების თანაბარი შესაძლებლობების უზრუნველყოფაზე, პიროვნული და პროფესიული შესაძლებლობების განვითარებაზე, მთელი სიცოცხლის განმავლობაში განათლების მიღების ხელშეწყობასა და დასაქმებაზე.

კოლეჯის მისია ზუსტად პასუხობს მის განაცხადს – „მოდით, ისწავლეთ, დასაქმდით“.

ხედვა

გავხდეთ ისეთი საგანმანათლებლო დაწესებულება, რომელიც საკუთარი ინფრასტრუქტურით, ინტელექტუალური და მატერიალური შესაძლებლობებით შეძლებს უზრუნველყოს საერთაშორისო სტანდარტების შესაბამისი კვალიფიკაციის კადრის მომზადებას შრომის ბაზრისთვის, რაც აისახება დასაქმების გაზრდილ მაჩვენებელზე 2025 წლისათვის.

ღირებულებები

პატრიოტიზმი, სამართლიანობა, თანასწორობა, ხარისხი, სოციალური პასუხისმგებლობა, გუნდურობა, გამჭვირვალობა, ინოვაციებისკენ სწრაფვა და მუდმივი ზრუნვა თვითგანვითარებაზე.

კოლეჯის შესახებ

შპს საზოგადოებრივი კოლეჯი ფანასკერტელი წარმოადგენს ავტორიზებულ მრავალპროფილურ პროფესიულ საგანმანათლებლო დაწესებულებას. კოლეჯი 30 წელზე მეტია აქტიურად მოღვაწეობს პროფესიული განათლების სივრცეში და სასწავლო პროცესს ახორციელებს თბილისსა და თელავის განყოფილებაში.

სასწავლო საქმიანობის სრულყოფილად წარმართვისათვის კოლეჯი უზრუნველყოფილია თანამედროვე ლაბორატორიებით, სასწავლო აუდიტორიებით, ბიბლიოთეკით, მაღალი კვალიფიკაციის მქონე პროგრამის განმახორციელებელი პროფესიული განათლების მასწავლებლებით და ადმინისტრაციული პერსონალით.

კოლეჯი ორიენტირებულია კვალიფიციური კადრის მომზადებასა და დასაქმების ხელშეწყობაზე. კოლეჯი აქტიურად იღებს იმ გამოწვევებს, რომელიც შრომის ბაზრის მოთხოვნებთანაა დაკავშირებული, ამის დასტურია კურსდამთავრებულთა დასაქმების მაღალი მაჩვენებელი ჩვენი ქვეყნის სხვადასხვა წამყვან დაწესებულებებში.

2023 სასწავლო წელს შპს საზოგადოებრივი კოლეჯი ფანასკერტელი ქ. თბილისში და ქ. თელავის განყოფილებაში, სასწავლო პროცესს განახორციელებს სახელმწიფოს მიერ 100%-ით დაფინანსებულ ხუთ მოდულურ პროფესიულ საგანმანათლებლო პროგრამაზე:

1. საექთნო განათლება (თბილისი/თელავი)
2. აღმზრდელი (თბილისი/თელავი)
3. ინფორმაციის ტექნოლოგია (თბილისი)
4. საფინანსო სერვისები (თბილისი/თელავი)
5. ფარმაცია(სააფთიაქო) (თბილისი/თელავი)

კოლეჯში ასევე ხორციელდება მოკლევადიანი მომზადება/გადამზადების სახელმწიფოს მიერ დაფინანსებული სასერთიფიკატო პროგრამები:

1. კომპიუტერის პროგრამული უზრუნველყოფა (თბილისი)
2. სალაროს ოპერაციების განხორციელება (თბილისი/თელავი)
3. გერიატრიული ასისტენტი (თბილისი/თელავი)
4. სპეციალური საგანმანათლებლო საჭიროების მქონე ბავშვებთან მუშაობა (თბილისი/თელავი)

საერთაშორისო პარტნიორობა

მე-7 წელია კოლეჯი აქტიურად თანამშრომლობს გერმანულ კომპანია - MEDIC JOBLINE -თან. ორგანიზაცია MEDIC JOBLINE 2010 წლიდან მოღვაწეობს ევროპის მასშტაბით სამედიცინო სფეროში ადამიანური რესურსების მობილიზებაში და წარმოადგენს დასაქმების ხელშეწყობის ორგანიზაციას გერმანიაში. აღნიშნული ორგანიზაცია უზრუნველყოფს საქართველოში დიპლომირებული ექთნების გერმანიაში კვალიფიკაციის აღიარებას, დასაქმებისთვის შესაფერისი კლინიკების მოძიება/შეთავაზებას და სხვადასხვა საორგანიზაციო



საკითხების მოგვარებას. გერმანიაში კვალიფიკაციის აღიარების მომენტში, თუ გამოვლინდა შესაბამისი საგნების ან საათების ნაკლებობა, მის ანაზღაურებას ჩვენი კოლეჯი ადგილზე უზრუნველყოფს თეორიული და პრაქტიკული სასწავლო კურსის განხორციელებით. სწავლების დასრულების შემდეგ სტუდენტები გადიან გასაუბრებას დამსაქმებელი კლინიკების წარმომადგენლებთან, დებენ კონტრაქტებს და სამუშაო ვიზით მიემგზავრებიან გერმანიაში, კონტრაქტში მითითებული ვადით.

ბრენდირება

2016-2017 წლებში საქართველოში, კერძო კოლეჯების ასოციაციის ორგანიზებით განხორციელდა ბრენდირების პროცესი. პროცესში, აქტიურად ჩაერთო შპს საზოგადოებრივი კოლეჯი ფანასკერტელი. კოლეჯმა ბრენდირების ყველა კრიტერიუმი დააკმაყოფილა და მიიღო მაქსიმალური შეფასება. კოლეჯი ორივე წელს, 5 ვარსკვლავის მფლობელი გახდა .



ფორმალური განათლება

სსსმ და შშმ პირების სწავლებისათვის კოლეჯი უზრუნველყოფს ინდივიდუალურად მორგებულ სასწავლო გარემოს. შეზღუდული შესაძლებლობების მქონე პირებს შეუძლიათ თავისუფლად გადაადგილდნენ ყველა აუდიტორიასა და კაბინეტში. მათთვის მოწყობილია პანდუსები და ხელმისაწვდომია კოლეჯის მიერ შეთავაზებული ყველა სახის სერვისი.

შეზღუდული შესაძლებლობისა და სპეციალური საგანმანათლებლო საჭიროების მქონე პირები პროფესიულ საგანმანათლებლო პროგრამაში ჩართულობის უზრუნველყოფის მიზნით მოდულებზე დაიშვებიან მოდულის წინაპირობის/წინაპირობების დაძლევის გარეშე.

სსსმ და შშმ პირს დაწესებულება სთავაზობს ინდივიდუალურ სასწავლო გეგმას, რომელშიც გათვალისწინებულია პირის სპეციალური საგანმანათლებლო საჭიროებები. ინდივიდუალური სასწავლო გეგმა ითვალისწინებს სსსმ და შშმ პირებისთვის სწავლა-სწავლების, შეფასების, სასწავლო ინსტრუქციების, საგანმანათლებლო რესურსების ადაპტაციას, სათანადო ფორმებისა და პირობების შეთავაზებით.

ინდივიდუალური სასწავლო გეგმის ფარგლებში სპეციალური საგანმანათლებლო საჭიროების მქონე პროფესიული სტუდენტის/მსმენელის მიმდინარე შეფასება ხორციელდება ინდივიდუალურად, განსაზღვრულ მისაღწევ სწავლის შედეგებთან. მოდულების ადაპტაცია იწვევს იცვლება სწავლის შედეგების შინაარსობრივად ან რაოდენობრივად ცვლილებას, რაც გამორიცხავს პირისთვის ტიპური კვალიფიკაციის მინიჭებას.

პროფესიული საგანმანათლებლო პროგრამით განსაზღვრული კრედიტები სსსმ და შშმ პირს ენიჭება მხოლოდ შესაბამისი სწავლის შედეგების დადასტურების შემთხვევაში, ხოლო კვალიფიკაციისთვის უნდა დააგროვოს პროფესიულ საგანმანათლებლო პროგრამაში განსაზღვრული მოდულებით გათვალისწინებული კრედიტები, მიიღოს მონაწილეობა შუალედურ შეფასებაში და ჩააბაროს საკვალიფიკაციო გამოცდა.

შპს საზოგადოებრივი კოლეჯი ფანასკერტელში შემუშავებულია ფორმალური განათლების აღიარების წესი, რომელიც რეგულირდება „ფორმალური განათლების ფარგლებში მიღწეული სწავლის შედეგების აღიარების“ წესის დამტკიცების შესახებ საქართველოს განათლების, მეცნიერების, კულტურისა და სპორტის მინისტრის ბრძანებით და დაინტერესებულ პირებს სთავაზობს მიღებული, წინარე ფორმალური განათლების ფარგლებში მიღწეული სწავლის შედეგების აღიარების შესაძლებლობებს და შესაბამის პროცედურებს, რომლის მიზანია მთელი სიცოცხლის განმავლობაში სწავლის ხელშეწყობა. სახელმწიფოს მიერ აღიარებული პროგრამის ფარგლებში მიღებული განათლება დასტურდება ოფიციალური ძალის მქონე კვალიფიკაციის დამადასტურებელი დოკუმენტით (სერტიფიკატით, უმაღლესი ან პროფესიული განათლების დამადასტურებელი სახელმწიფო დოკუმენტით – დიპლომით ან ზოგადი განათლების დამადასტურებელი სახელმწიფო დოკუმენტით), დადასტურებული სწავლის შედეგების აღიარებით, პროფესიული საგანმანათლებლო პროგრამის მიზნებისათვის.

ფორმალური განათლების აღიარების მსურველი უფლებამოსილია მოითხოვოს ფორმალური განათლების აღიარება, მხოლოდ პროფესიული სტუდენტის სტატუსის მოპოვების შემდეგ იმ პროგრამის მიზნებისათვის, რომელზეც ჩაირიცხა.

ფორმალური განათლების აღიარების პროცედურა მოიცავს შემდეგ ეტაპებს:

1. ფორმალური განათლების აღიარების მსურველი პროფესიული სტუდენტის მიერ განცხადების და თანდართული დოკუმენტაციის წარდგენა კოლეჯში;



პროფესიული საგანმანათლებლო პროგრამა ინფორმაციის ტექნოლოგია/Information Technology

მისანიჭებელი კვალიფიკაცია ქართულ და ინგლისურ ენაზე

საბაზო პროფესიული კვალიფიკაცია ინფორმაციის ტექნოლოგიის მხარდაჭერაში / Basic Vocational Qualification in Information Technology Support.

მიზანი

ინფორმაციის ტექნოლოგიის მხარდაჭერის პროფესიული პროგრამის მიზანია, მოამზადოს პერსონალური კომპიუტერის აპარატურული და პროგრამული უზრუნველყოფის კვალიფიცირებული სპეციალისტი, რომელიც ფლობს აპარატურული უზრუნველყოფისა და ოპერაციული სისტემების დაყენების, განახლების, დაზიანებების აღმოფხვრის, ოპტიმიზაციის, დიაგნოსტიკისა და მომსახურებისათვის საჭირო სპეციალურ ტექნიკურ უნარ-ჩვევებს; აქვს სფეროსათვის დამახასიათებელი ძირითადი ფაქტების, პრინციპების, პროცესებისა და ზოგადი კონცეფციების ცოდნა და აცნობიერებს გართულებული ამოცანების შესასრულებლად აუცილებელ ნაბიჯებს.

დაშვების წინაპირობა

საბაზო პროფესიული კვალიფიკაციისათვის - საბაზო განათლება.

დასაქმების სფერო და შესაძლებლობები

ინფორმაციის ტექნოლოგიის მხარდაჭერის საბაზო პროფესიული კვალიფიკაციის მფლობელს შეუძლია დასაქმდეს ტექნიკური მხარდაჭერის სპეციალისტად ნებისმიერ სახელწიფო/მუნიციპალურ ორგანიზაციაში ან/და კერძო კომპანიაში, სადაც გამოიყენება ინფორმაციული ტექნოლოგიები.

პროგრამის სტრუქტურა

ინფორმაციის ტექნოლოგიის მხარდაჭერის საბაზო პროფესიული კვალიფიკაციის მისანიჭებლად პროფესიულმა სტუდენტმა უნდა დააგროვოს ჯამურად 61 კრედიტი, რომელთაგან 17 კრედიტი არის ზოგადი მოდულები, 31 კრედიტი არის საერთო სავალდებულო პროფესიული/დარგობრივი მოდულები, 13 კრედიტი არის პროფესიული/დარგობრივი მოდულები.

იმ პირობა, რომლებსაც არ უდასტურდებათ ქართული ენის კომპეტენცია, ინფორმაციის ტექნოლოგიის მხარდაჭერის საბაზო პროფესიული კვალიფიკაციისთვის უნდა დააგროვონ ჯამურად 76 კრედიტი.

სწავლების სავარაუდო ხანგრძლივობა - 14 თვე

იმ პირობა, რომლებსაც უდასტურდებათ ქართული ენის კომპეტენცია, ინფორმაციის ტექნოლოგიის მხარდაჭერის საბაზო პროფესიული კვალიფიკაციისთვის უნდა დააგროვონ ჯამურად 61 კრედიტი.

სწავლების სავარაუდო ხანგრძლივობა - 11 თვე

შესაბამისი სწავლის შედეგების გავლის შემდეგ კურსდამთავრებულს შეუძლია:

1. ააწყოს და დააკომპლექტოს პერსონალური კომპიუტერი;
2. დაამონტაჟოს პერიფერიული მოწყობილობები;
3. დააინსტალიროს და გამართოს ოპერაციული სისტემი;
4. დააინსტალიროს გამოყენებითი პროგრამული უზრუნველყოფა;
5. უზრუნველყოს ოპერაციული სისტემის უსაფრთხოება;
6. განასხვავოს ქსელების ფუნდამენტური პრინციპები და ტიპები;
7. გაარჩიოს ქსელში ინფორმაციის მიმოცვლის მოდელების (TCP/IP, OSI) შრეები და ამ შრეებზე მომუშავე პორტები და ოქმი;
8. გამართოს მარტივი სადენიანი და უსადენო შიდა ქსელი;
9. შეაფასოს აპარატურული და პროგრამული რისკები და განსაზღვროს პრევენციული ზომები;
10. მოახდინოს აპარატურული და პროგრამული პრობლემის იდენტიფიცირება და აღმოფხვრას გაუმართაობა.

კვალიფიკაციის მინიჭება კვალიფიკაციის მოსაპოვებლად სტუდენტმა უნდა დააგროვოს პროფესიულ საგანმანათლებლო პროგრამაში განსაზღვრული მოდულებით გათვალისწინებული კრედიტები, მიიღოს მონაწილეობა შუალედურ შეფასებაში და ჩააბაროს საკვალიფიკაციო გამოცდა.

პროგრამის განხორციელების ადგილი: ქ. თბილისი



პროფესიული საგანმანათლებლო პროგრამა საფინანსო სერვისები/Finance Services

მისანიჭებელი კვალიფიკაცია ქართულ და ინგლისურ ენაზე

საბაზო პროფესიული კვალიფიკაცია საფინანსო სერვისებში / Basic Vocational Qualification in Finance Services

მიზანი

პროგრამის მიზანია, უზრუნველყოს ისეთი პროფესიული პროგრამის დანერგვა, რომელიც მოამზადებს კვალიფიციურ საფინანსო სერვისების პერსონალს, რომელიც შეძლებს სხვადასხვა ტიპის საფინანსო მომსახურების გაწევასა და მომხმარებლის საფინანსო სერვისებთან დაკავშირებულ ინფორმირებას. ასევე, საფინანსო სერვისების პროგრამის დანერგვა-განხორციელების ხელშეწყობა.

დაშვების წინაპირობა/წინაპირობები

- საბაზო განათლება
- არანაკლებ 17 წელი

დასაქმების სფერო და შესაძლებლობები

საფინანსო სერვისებში საბაზო პროფესიული კვალიფიკაციის მფლობელს შეუძლია დასაქმდეს სხვადასხვა სავაჭრო ობიექტების მოლარედ, მათ შორის - ბილეთების გაყიდვების სალაროებში; ბანკებსა და არასაბანკო საკრედიტო - საფინანსო დაწესებულებებში მოლრისა და ოპერატორის პოზიციაზე, ასევე ნივთების დაგირავებითა და ფულადი თანხების გაცემით დაკავებული აგენტებისა და ბუკმეკერების პოზიციებზე.

პროგრამის სტრუქტურა:

საგანმანათლებლო პროგრამა მოიცავს 6 ზოგად მოდულს - ჯამური 17 კრედიტის მოცულობით და 13 პროფესიულ მოდულს 35 კრედიტის მოცულობით. საფინანსო სერვისებში საბაზო პროფესიული კვალიფიკაციის მისანიჭებლად პროფესიულმა სტუდენტმა უნდა დააგროვოს ჯამურად 52 კრედიტი.

იმ პირებმა, რომლებსაც არ უდასტურდებათ ქართული ენის კომპეტენცია, უნდა დააგროვონ ჯამურად 67 კრედიტი. სწავლების სავარაუდო ხანგრძლივობა - 12 თვე

იმ პირებმა, რომლებსაც უდასტურდებათ ქართული ენის კომპეტენცია, უნდა დააგროვონ ჯამურად 52 კრედიტი. სწავლების სავარაუდო ხანგრძლივობა - 9 თვე

შესაბამისი სწავლის შედეგების გავლის შემდეგ კურსდამთავრებულს შეუძლია:

1. აწარმოოს ნაღდი და უნაღდო ანგარიშსწორება სავაჭრო ობიექტებში
2. აწარმოოს ნაღდი და უნაღდო ანგარიშსწორება საბანკო დაწესებულებებში
3. განახორციელოს სალარო და საბანკო ოპერაციები
4. შესთავაზოს კლიენტებს საბანკო პროდუქტები
5. ეფექტურად მოემსახუროს კლიენტებს.

კვალიფიკაციის მინიჭება

პროფესიული კვალიფიკაციას მინიჭება შპს - საზოგადოებრივ კოლეჯ ფანასკერტელის პრეროგატივაა. კვალიფიკაციის მოსაპოვებლად სტუდენტმა უნდა დააგროვოს პროფესიულ საგანმანათლებლო პროგრამაში განსაზღვრული მოდულებით გათვალისწინებული კრედიტები, მიიღოს მონაწილეობა შუალედურ შეფასებაში და ჩააბაროს საკვალიფიკაციო გამოცდა

პროგრამის განხორციელების ადგილი: ქ. თბილისი/ქ. თელავი



პროფესიული საგანმანათლებლო პროგრამა აღმზრდელი/Preschool Education

მისანიჭებელი პროფესიული კვალიფიკაცია

„უმაღლესი პროფესიული კვალიფიკაცია სკოლამდელ აღზრდაში/Higher Vocational Qualification in Preschool Education“.

მიზანი

აღმზრდელის პროფესიული საგანმანათლებლო პროგრამის მიზანია კვალიფიციური კადრის მომზადება, რომელიც შეძლებს ადრეულ და სკოლამდელ ასაკში ბავშვზე ზრუნვას, მის აღზრდასა და განვითარებას. ამ მიზნებისთვის აღმზრდელმა უნდა უზრუნველყოს უსაფრთხო და განმავითარებელი სააღმზრდელო გარემო და ამ პროცესში შეძლოს ბავშვის ოჯახთან, ადრეული და სკოლამდელი აღზრდისა და განათლების დაწესებულების კოლექტივთან, სფეროს წარმომადგენლებთან კომუნიკაცია და საკუთარ პროფესიულ განვითარებაზე ზრუნვა.

დაშვების წინაპირობა

სრული ზოგადი განათლება

კურსდამთავრებულთა კარიერული შესაძლებლობები:

პროგრამის დასრულების შემდეგ პირს შეუძლია დასაქმდეს აღმზრდელის პოზიციაზე, ასევე იმუშაოს თვითდასაქმებით, აღმზრდელად.

იმ პირებისთვის, რომელთაც არ უდასტურდებათ ქართული ენის კომპეტენცია

მოცულობა: 146 კრედიტი

სავარაუდო ხანგრძლივობა: 26 სასწავლო თვე

იმ პირებისთვის, რომელთაც უდასტურდებათ ქართული ენის კომპეტენცია მოცულობა: 116 კრედიტი

სავარაუდო ხანგრძლივობა: 21 სასწავლო თვე

„აღმზრდელის“ პროფესიული საგანმანათლებლო პროგრამის მოცულობაა 116 კრედიტი. აქედან ზოგადი მოდულების ჯამური კრედიტების რაოდენობაა 11, ხოლო სპეციალიზაციის პროფესიული/დარგობრივი მოდულებისა - 105.

შესაბამისი სწავლის შედეგების გავლის შემდეგ კურსდამთავრებულს შეუძლია:

- ადრეული და სკოლამდელი ასაკის ბავშვის ჰოლისტური განვითარება, მათი ასაკობრივი თავისებურებების, ინტერესების, ინდივიდუალური შესაძლებლობების გათვალისწინებით;
- მრავალფეროვანი, მასტიმულირებელი საგანმანათლებლო და სააღმზრდელო პროცესის დაგეგმვა და მართვა;
- ბავშვის განვითარების ხელსემწყობი სტრატეგიების გამოყენება;
- წარმატებული, უსაფრთხო, მხარდამჭერი სააღმზრდელო გარემოს შექმნა.

პროგრამის განხორციელების ადგილი: ქ. თბილისი/თელავი



პროფესიული საგანმანათლებლო პროგრამა ფარმაცია(სააფთიქო)/Pharmacy

მისანიჭებელი კვალიფიკაცია ქართულ და ინგლისურ ენაზე - უმაღლესი პროფესიული კვალიფიკაცია ფარმაციაში / Higher Vocational Qualification in Pharmacy.

მიზანი

პროგრამის მიზანია, შემუშავებულ იქნას ისეთი პროფესიული საგანმანათლებლო პროგრამა, რომელიც ჯანდაცვის სფეროსთვის უზრუნველყოფს კონკურენტუნარიან კადრის აღზრდას, კერძოდ, პროფესიული კადრების მომზადებას, რომლებიც შეძლებენ ფარმაცევტული და პარაფარმაცევტული პროდუქციის მიღების-განთავსების, აღწერის, პარაფარმაცევტული პროდუქციის შერჩევა-მიწოდების პროცესში მონაწილეობას, ნაშთების პერიოდულ კონტროლს, მცირე შეფუთვებად მზა წამლის ფორმის დაფასოებას, რეცეპტის მიხედვით წამლის მომზადებას და ურეცეპტოდ გასაცემი ფარმაცევტული პროდუქციის რეალიზაციას;

დაშვების წინაპირობა - სრული ზოგადი განათლება.

დასაქმების სფერო და შესაძლებლობები

უმაღლესი პროფესიული კვალიფიკაცია ფარმაციაში, მფლობელს შეუძლია დასაქმდეს ფარმაცევტის/ფარმაცევტის თანაშემწის პოზიციაზე აფთიაქებში (ავტორიზებულ აფთიაქში, სპეციალიზებულ და საცალო რეალიზაციის სავაჭრო ობიექტში), საბითუმო რეალიზაციის ობიექტზე, სამედიცინო და ფარმაცევტული ტექნიკის მაღაზიებში.

პროგრამის სტრუქტურა

საგანმანათლებლო პროგრამა მოიცავს 3 ზოგად მოდულს, ჯამური 11 კრედიტის მოცულობით და 26 პროფესიულ მოდულს, ჯამური 109 კრედიტის მოცულობით. ჩარჩო დოკუმენტი, ასევე, ითვალისწინებს ერთ არჩევით მოდულს 3 კრედიტის მოცულობით.

იმ პირებისთვის, რომელთაც უდასტურდებათ ქართული ენის კომპეტენცია კრედიტების მოცულობაა 123. სწავლების სავარაუდო ხანგრძლივობა: 22 სასწავლო თვე

იმ პირებისთვის, რომელთაც არ უდასტურდებათ ქართული ენის კომპეტენცია კრედიტების მოცულობაა 153. სწავლების სავარაუდო ხანგრძლივობა: 28 სასწავლო თვე

შესაბამისი სწავლის შედეგების გავლის შემდეგ კურსდამთავრებულს შეუძლია:

1. შეამოწმოს პროდუქცია ვიზუალურად;
2. დაადგინოს თანხმლებ დოკუმენტაციასთან იგივეობა;
3. შეამოწმოს სასაქონლო ნიშნები და რაოდენობა;
4. განათავსოს პროდუქცია სათანადო ადგილზე;
5. ჩაატაროს სააფთიაქო ნაშთის შემოწმავალი, პერიოდული, საბოლოო კონტროლი;
6. განახორციელოს ორიგინალური შეფუთვის მცირე შეფუთვებად დაფასოება, შეფუთვა, მარკირება;
7. მოამზადოს რეცეპტის მიხედვით სითხოვანი, მყარი და რბილი სამკურნალწამლო ფორმები;
8. გაითვალისწინოს მომხმარებელთან ურთიერთობისას ფარმაცევტული ეთიკის და დეონტოლოგიის პრინციპები;
9. განახორციელოს მომხმარებლისათვის სასურველი პროდუქციის შერჩევა-მიწოდება, კონსულტაციის გაწევა პარაფარმაცევტული პროდუქციის მიღების, გამოყენების და შენახვის პირობების შესახებ;
10. განახორციელოს ურეცეპტოდ გასაცემი ფარმაცევტული პროდუქციის რეალიზაცია;
11. განახორციელოს ანგარიშის მომზადება-ჩაბარება პროდუქციის მიღების, ნაშთის პერიოდული შემოწმების, ექსტემპორალური სამკურნალწამლო ფორმების მომზადების, მცირე შეფუთვებად სამკურნალწამლო ფორმების დაფასოების შესახებ;
12. დაიცვას სანიტარიულ-ჰიგიენური ნორმები, გარემოსა და უსაფრთხოების წესები.

კვალიფიკაციის მინიჭება

კვალიფიკაციის მოსაპოვებლად სტუდენტმა უნდა დააგროვოს პროფესიულ საგანმანათლებლო პროგრამაში განსაზღვრული მოდულებით გათვალისწინებული კრედიტები, მიიღოს მონაწილეობა შუალედურ შეფასებაში და ჩააბაროს საკვალიფიკაციო გამოცდა

პროგრამის განხორციელების ადგილი: ქ. თბილისი/ქ. თელავი



პროფესიული საგანმანათლებლო პროგრამა საექთნო განათლება/Nursing

მისანიჭებელი კვალიფიკაცია ქართულ და ინგლისურ ენაზე - უმაღლესი პროფესიული კვალიფიკაცია
საექთნო საქმეში/ Higher Vocational Qualification in Nursing

მიზანი

პროგრამის მიზანია უზრუნველყოს ადგილობრივ და საერთაშორისო ბაზარზე კონკურენტუნარიანი, ზოგად მოვლაზე პასუხისმგებელი ექთნის მომზადება.

დაშვების წინაპირობა

სრული ზოგადი განათლება

დასაქმების სფერო და შესაძლებლობები საექთნო საქმეში

კვალიფიკაციის მფლობელს შეუძლია დასაქმდეს ჯანდაცვის სფეროში, სხვადასხვა პროფილის სამედიცინო დაწესებულებებში, შინმოვლის სფეროში, სხვა ტიპის ორგანიზაციებში, რომლებიც საჭიროებს საექთნო მომსახურებას.

პროგრამის სტრუქტურა

საგანმანათლებლო პროგრამა ითვალისწინებს 180 კრედიტის რაოდენობის ზოგად და პროფესიულ მოდულებს. ზოგად მოდულთა კრედიტების რაოდენობა შეადგენს 9 კრედიტს, ხოლო პროფესიული მოდულების კრედიტების რაოდენობა კი 171. საექთნო საქმეში კვალიფიკაციის მინიჭებისთვის პროფესიულმა სტუდენტმა უნდა დააგროვოს არანაკლებ 180 კრედიტი ჯამში.

შესაბამისი სწავლის შედეგების გავლის შემდეგ კურსდამთავრებულს შეუძლია:

1. შეაფასოს პაციენტის ჯანმრთელობის მდგომარეობა
2. განახორციელოს თერაპიული პაციენტის საექთნო მართვა
3. განახორციელოს ქირურგიული პაციენტის საექთნო მართვა
4. განახორციელოს გადაუდებელი პაციენტის საექთნო მართვა
5. განახორციელოს კრიტიკულ მდგომარეობაში მყოფი პაციენტის საექთნო მართვა
6. განახორციელოს პერიოპერაციული პაციენტის საექთნო მართვა
7. განახორციელოს სამეანო და გინეკოლოგიური პაციენტის საექთნო მართვა
8. განახორციელოს პედიატრიული პაციენტის საექთნო მართვა
9. განახორციელოს და უზრუნველყოს შინმოვლის მომსახურების გაწევა
10. განახორციელოს და უზრუნველყოს გერიატრიული პაციენტის საექთნო მართვა
11. დაგეგმოს და განახორციელოს საკუთარი პრაქტიკისა და მოვლის ხარისხის შეფასება.


სწავლის შედეგების მიღწევის დადასტურება და კრედიტის მინიჭება

კვალიფიკაციის მინიჭება

კვალიფიკაციის მოსაპოვებლად სტუდენტმა უნდა დააგროვოს პროფესიულ საგანმანათლებლო პროგრამაში განსაზღვრული მოდულებით გათვალისწინებული კრედიტები, მიიღოს მონაწილეობა შუალედურ შეფასებაში და ჩააბაროს საკვალიფიკაციო გამოცდა.

პროგრამის განხორციელების ადგილი: ქ. თბილისი/ქ. თელავი

პროფესიული მომზადების პროგრამა საღარო ოპერაციების განხორციელება



პროგრამის სახელწოდება - საღაროს ოპერაციების განხორციელება

პროგრამის ხანგრძლივობა კვირებში - 9

პროგრამაზე დაშვების წინაპირობები - საბაზო განათლება

პროგრამის მიზანი

პროგრამის მიზანია დაინტერესებულ პირთა მომზადება, ისეთ ორგანიზაციებში დასაქმებისთვის, რგორიცაა: ვალუტის გადამცვლელი პუნქტი, ლომბარდი, მოკროსაფინანსო და სხვა მსგავსი ტიპის დაწესებულებებში. აღნიშნული პროგრამის გავლა მსმენელებს ასევე დაეხმარება ისეთი უნარების შეძენა - განვითარებაში, რომელიც საჭიროებს საღარო ოპერაციების განხორციელებას.

სწავლის შედეგები

1. სერვის პლიუსი, კორპორაციული და კეთილგანწყობილი გარემოს შექმნა
2. ნაღდი ანგარიშსწორების ოპერაციების (თანხის მიღება/გაცემა) განხორციელება
3. ეროვნული და უცხოური ვალუტის დამცავი ნიშნები
4. ნაღდი ანგარიშსწორებით კონვერტაციის ოპერაციების განხორციელება
5. ნაღდი ანგარიშსწორებისას დაზიანებული კუპიურებისა და საექვო ფულის გამოვლენა, პროცედურების განხორციელება
6. საღაროს გახსნის ოპერაციების განხორციელება
7. საღაროს ნაშთის კონტროლი და მასთან დაკავშირებული დოკუმენტაციის შენახვა- წარმოება
8. საღაროს დახურვის ოპერაციების განხორციელება
9. ნაღდი ფულისა და სხვა ფასეულობების ინკასაციის განხორციელება

პროგრამის აღწერა

პროგრამა განკუთვნილია იმ ადამიანებისთვის რომლებიც ფლობენ სულ მცირე საბაზო განათლებას, არიან მინიმუმ 17 წლის ასაკის და სურთ შეისწავლონ საღარო ოპერაციების განხორციელებასთან დაკავშირებული საკითხები. სასწავლო პროცესი მიმდინარეობს როგორც თბილისში, ასევე თელავში და ხანგრძლივობა არის 9 კვირა. პროგრამის საათობრივი დატვირთვა ამ 9 კვირის განმავლობაში არის 180 საათი. პრაქტიკულ კომპონენტს მსმენელები გაივლიან შპს საზოგადოებრივი კოლეჯი ფანასკერტელის B გარემოში, სადაც განთავსებულია კომპიუტერები და სასწავლო პროგრამა "ALTA SOFTWARE".


სწავლების განმავლობაში მსმენელებს ექნებათ განმავითარებელი შეფასებები როგორც თეორიულ ასევე პრაქტიკულ ნაწილში, ხოლო განმსაზღვრელი შეფასება ჩატარდება სწავლების მე-9 კვირას.

განმსაზღვრელი შეფასება ითვალისწინებს შემდეგი ტიპის შეფასებას:

1. სწავლის შედეგი დადასტურდა;
2. სწავლის შედეგი ვერ დადასტურდა.

ყველა სწავლის შედეგის მიღწევის შემდგომ, კურსდამთავრებულზე კოლეჯი გასცემს სახელმწიფოს მიერ აღიარებულ სერტიფიკატს.

პროფესიული მომზადების პროგრამა კომპიუტერის პროგრამული უზრუნველყოფა



პროგრამის განხორციელების ადგილი: ქ. თბილისი/ქ. თელავი

პროგრამის სახელწოდება - კომპიუტერის პროგრამული უზრუნველყოფა

პროგრამის ხანგრძლივობა კვირებში - 9

პროგრამაზე დაშვების წინაპირობები - საბაზო განათლება

პროგრამის მიზანია დასაქმებისათვის საჭირო ისეთი უნარების განვითარება, რომელთა ცოდნით და გამოყენებით მსმენელები შეძლებენ კომპიუტერის პროგრამულ უზრუნველყოფას, როგორც კერძო და საჯარო დაწესებულებებში, ასევე საკუთარი მოხმარებისთვის დარგის თანამედროვე ტექნოლოგიების გამოყენებით და უსაფრთხოების ნორმების დაცვით.

სწავლის შედეგები:

1. ოპერაციული სისტემის ინსტალაცია;
2. ოპერაციული სისტემის გამართვა;
3. გამოყენებითი პროგრამული უზრუნველყოფის ინსტალაცია;
4. ოპერაციული სისტემის უსაფრთხოების უზრუნველყოფა;
5. ქსელური მოწყობილობების დამისამართება;

პროგრამის აღწერა - პროგრამა განკუთვნილია იმ პირებისათვის, რომლებიც ფლობენ, არანაკლებ, საბაზო განათლებას და აქვთ სურვილი შეისწავლონ კომპიუტერის პროგრამული უზრუნველყოფა დარგის თანამედროვე სტანდარტების შესაბამისად. პროგრამის ხანგრძლივობა 144 საათს, ხოლო სასწავლო პროცესი 9 კვირას მოიცავს. სასწავლო პროცესი მიმდინარეობს შპს საზოგადოებრივ კოლეჯ ფანასკერტელში. სწავლების განმავლობაში თეორიულ და პრაქტიკულ კომპონენტს მსმენელები გაივლიან კოლეჯის C სასწავლო გარემოში - კომპიუტერულ ლაბორატორიაში, პროგრამას განახორციელებს დარგის სპეციალისტი.


მსმენელთა განმავითარებელი შეფასებები ტარდება სწავლების პარალელურად, როგორც თეორიულ, ისე პრაქტიკულ კომპონენტში. განმსაზღვრელი შეფასება ტარდება მე-9 კვირას. მსმენელთა შეფასება ხორციელდება პრაქტიკული დავალების შესრულებაზე დაკვირვებით. შეფასება ითვალისწინებს მხოლოდ ჩათვლის პრინციპებზე დაფუძნებული (კომპეტენციების დადასტურებაზე დაფუძნებული) სისტემის გამოყენებას და უშვებს შემდეგი ორი ტიპის შეფასებას:

- სწავლის შედეგი დადასტურდა;
- სწავლის შედეგი ვერ დადასტურდა.

პროფესიული მომზადების პროგრამის ფარგლებში გათვალისწინებული სწავლის შედეგების მიღწევის შემდეგ, კურსდამთავრებული მიიღებს სახელმწიფოს მიერ აღიარებულ სერტიფიკატს.

პროგრამის განხორციელების ადგილი: ქ. თბილისი

პროფესიული მომზადების პროგრამა სპეციალური საგანმანათლებლო საჭიროების მქონე ბავშვებთან მუშაობა



პროგრამის სახელწოდება - სპეციალური საგანმანათლებლო საჭიროების მქონე ბავშვებთან მუშაობა

პროგრამის ხანგრძლივობა კვირებში - 11

პროგრამაზე დაშვების წინაპირობები - სკოლამდელი აღზრდის დაწესებულებაში(დარგში) მუშაობის არანაკლებ ექვსი თვის გამოცდილება

პროგრამის მიზნები - პროგრამის მიზანია მსმენელების გადამზადება, სკოლამდელი აღზრდის დაწესებულებებში სპეციალური საგანმანათლებლო საჭიროების მქონე ბავშვებთან მუშაობაში.

სწავლის შედეგები:

1. ადრეულ და სკოლამდელ ასაკში ასაკობრივი თავისებურებებისა და დამოუკიდებლობასთან დაკავშირებული უნარ-ჩვევების განსაზღვრავი ფაქტორების განათლების ღირებულებებისა და პრინციპების განსაზღვრა
2. სოციალურ-ემოციური გარემოს მნიშვნელობის განსაზღვრა
3. დაკვირვებისა და მონაცემთა შეგროვების რაობის განსაზღვრა
4. ბავშვის შეფასება
5. ინკლუზიური განათლების ღირებულებებისა და პრინციპების განსაზღვრა
6. სსსმ ბავშვებთან მუშაობის სტრატეგიის განსაზღვრა
7. საგანმანათლებლო პროცესში ოჯახისა და თემის ჩართულობის მნიშვნელობის განსაზღვრა

პროგრამის მოკლე აღწერა - პროგრამა განკუთვნილია იმ პირებისთვის რომლებსაც აქვთ სრული ზოგადი განათლება და დარგში მუშაობის მინიმუმ 6 თვიანი გამოცდილება. სასწავლო პროცესი მოიცავს 11 კვირას, რომელიც არის ჯამში 176 საათი. სასწავლო პროცესის განმავლობაში გათვალისწინებულია როგორც თეორიული ასევე პრაქტიკული კომპონენტი.


შეფასება ითვალისწინებს მხოლოდ ჩათვლის პრინციპებზე დაფუძნებული (კომპეტენციების დადასტურებაზე დაფუძნებული) სისტემის გამოყენებას და უშვებს შემდეგი ორი ტიპის შეფასებას:

- ა) სწავლის შედეგი დადასტურდა;
- ბ) სწავლის შედეგი ვერ დადასტურდა.

სწავლის დასასრულს, სწავლის შედეგების დადასტურების შემთხვევაში მსმენელები მიიღებენ სახელმწიფოს მიერ აღიარებულ სერტიფიკატს.

პროგრამის განხორციელების ადგილი: ქ. თბილისი/ქ. თელავი

პროფესიული მომზადების პროგრამა გერიატრიული ასისტენტი



პროგრამის სახელწოდება - გერიატრიული ასისტენტი

პროგრამის ხანგრძლივობა კვირებში - 6

პროგრამაზე დაშვების წინაპირობები - საშუალო განათლება/ასაკი-18 წელი

პროგრამის მიზანი - პროფესიული მომზადების პროგრამის „გერიატრიული ასისტენტი“ მიზანია მსმენელმა შეიძინოს გერიატრიული ასაკის პირის მოვლის საჭიროებებზე მორგებული ცოდნა და უნარჩვევები, რაც ითვალისწინებს მოვლას, სხვადასხვა დაავადებისა და ინდივიდუალური თავისებურებების გათვალისწინებით. ასევე, ეფექტურ კომუნიკაციას და მოვლისთვის საჭირო პროცედურების ჩატარებას. მათ შორის: კვებას, ჰიგიენის მოწესრიგებას, ჩაცმა/გახდას, საწოლის გამზადებას, საწოლისა და პირადი თეთრეულის გამოცვლას, დახმარება მოძრაობის დროს; პაციენტის უსაფრთხოებაზე ზრუნვას, მისთვის მოსახერხებელი გარემოს შექმნას, ტრანსპორტირებას, სანიტარულ-ჰიგიენურ და ეპიდემიოლოგიური ნორმების დაცვას.

კურსის დასრულების შემდეგ პირს შესაძლებლობა ექნება დასაქმდეს მომვლელად ხანგრძლივი სამედიცინო მომსახურების დაწესებულებაში (მოხუცთა თავშესაფარი, სათემო ან საოჯახო ტიპის მომსახურება, დღის ცენტრი).

სწავლის შედეგები :

1. მოვლის პრინციპების განმარტება
2. ეფექტური კომუნიკაცია მოვლაში
3. გერიატრიული ასაკის თავისებურების განმარტება
4. მოვლითი ღონისძიებების ჩატარება
5. დამოუკიდებლობის შენარჩუნების ხელშეწყობა
6. პროფილაქტიკური ღონისძიებების ჩატარება

პროგრამის აღწერა - პროფესიული მომზადების პროგრამაზე „გერიატრიული ასისტენტი“, გერიატრიული ასაკის პირის მოვლის თანამედროვე მიდგომების შესწავლისა და მოვლის პრაქტიკულ უნარჩვევებს დაუფლების სურვილის შემთხვევაში, სწავლა შეუძლია სრული ზოგადი განათლების მქონე სრულწლოვან პირს. მომზადების კურსის გავლის შედეგად მათ შეეძლებათ დასაქმდნენ ბინაზე და სხვადასხვა ინსტიტუციებში (ხანდაზმულთა მოვლის სახლი, სხვადასხვა ტიპის თავშესაფარი, სათემო ორგანიზაციები, საცხოვრისები) როგორც საქართველოში, ასევე საზღვარგარეთ. სასწავლო პროცესი მოიცავს 144 საათს (6 კვ)- 32 სთ თეორია, 102 სთ პრაქტიკული კომპონენტი, 10 სთ შეფასება.

სასწავლო პროცესი

თეორიული ნაწილი წარიმართება დაწესებულების ბაზაზე AC გარემოში ან/და დისტანციური ფორმით. პრაქტიკული კომპონენტი განხორციელდება დაწესებულების ბაზაზე, შესაბამისად აღჭურვილ C გარემოში .

შეფასების სისტემა ითვალისწინებს სწავლის შედეგების დადასტურებას მხოლოდ ჩათვლის პრინციპებზე დაფუძნებული (კომპეტენციების დადასტურებაზე დაფუძნებული) სისტემის გამოყენებით და უშვებს შემდეგი ორი ტიპის შეფასებას:

- ა) სწავლის შედეგი დადასტურდა;
- ბ) სწავლის შედეგი ვერ დადასტურდა.

სწავლის დასასრულს, სწავლის შედეგების დადასტურების შემთხვევაში, მსმენელები მიიღებენ სახელმწიფოს მიერ აღიარებულ სერტიფიკატს.

დასაქმების სფეროები:

091 - ჯანდაცვა (ვიწრო სფერო)

092 - სოციალური კეთილდღეობა (ვიწრო სფერო)

პროგრამის განხორციელების ადგილი: ქ. თბილისი/ქ. თელავი

პარტნიორი ორგანიზაციები



ემესი

სამედიცინო კორპორაცია




შპს ბავშვთა და მოზარდთა ჯანმრთელობის ცენტრი-თელავი



ფსიქიკური ჯანმრთელობის და
ნარკოტიკების პრევენციის ცენტრი



კოლეჯის სტრუქტურა



საკონტაქტო ინფორმაცია

ქ. თბილისი, გ. ზაზიაშვილის ქ. N1

ქ. თელავი, ლესელიძის ქ. N1

მობილური: 568 40 20 20; 599 14 36 72

მობილური: 593 16 16 35



<http://fanaskerteli.edu.ge/>



<https://www.facebook.com/fanaskerteli.edu.ge>



fanaskerteli@gmail.com